

დაბა შუახევი

26 იანვარი 2017 წ.

ერთის მხრივ, შუახევის მუნიციპალიტეტი (შემდგომში - შემსყიდველი), გამგებლის ტარიელ ებრაღიმის სახით და მეორეს მხრივ, სს „სილქნეტი“, კომერციული დირექტორის ნუგზარ ჩინჩალაძის სახით (შემდგომში - მიმწოდებელი), ორივე ერთად წოდებული როგორც „მხარეები“, გამარტივებული ელექტრონული ტენდერის (აუქციონის გარეშე) (**NAT170000383**) ჩატარების შედეგად ვაფორმებთ წინამდებარე ხელშეკრულებას შემდეგზე:

1. ხელშეკრულების საგანი

1.1. წინამდებარე ხელშეკრულების საფუძველზე, მიმწოდებელი თანახმაა, განახორციელოს შუახევის მუნიციპალიტეტის ადმინისტრაციულ შენობას (დაბა შუახევი, თამარ მეფის N30) და სამხედრო აღრიცხვის, გაწვევის და მობილიზაციის სამსახურის შენობაში (დაბა შუახევი, რუსთაველის N20) ინტერნეტის მიწოდება შემდგომში - „მომსახურება“, ხოლო შემსყიდველი კისრულობს ვალდებულებას გადაიხადოს მისი ღირებულება ხელშეკრულებით დადგენილი წესით. (მომსახურების ჩამონათვალი მოცემულია დანართებში, რომლებიც ხელშეკრულების განუყოფელ ნაწილს წარმოადგენენ).

1.2. მიმწოდებელი ასრულებს, ხოლო შემსყიდველი ღებულობს შესრულებულ მომსახურებას და ახდენს მისი ღირებულების ანაზღაურებას წინამდებარე ხელშეკრულების 2.3 პუნქტის შესაბამისად.

1.3. წინამდებარე ხელშეკრულება არეგულირებს ურთიერთობებს, რომელიც წარმოიშობა მხარეთა შორის.

1.4 კლასიფიკაციის კოდი: 72400000

2. მომსახურების ღირებულება და ანგარიშსწორების წესი

2.1. ხელშეკრულების საერთო ღირებულება შეადგენს 11660 (თერთმეტი ათას ექვსას სამოცი) ლარს.

2.2. მომსახურების ღირებულებაში შედის საქართველოს კანონმდებლობით გათვალისწინებული ყველა გადასახადი, რომელთა გადახდაზე პასუხისმგებელია მიმწოდებელი.

2.3. შემსყიდველის მიერ შესრულებული მომსახურების ანაზღაურება მოხდება უნაღდო ანგარიშსწორების წესით, მიმწოდებლის მიღება-ჩაბარების აქტის გაფორმებისა და შესაბამისი ანგარიშ-ფაქტურის წარმოდგენის შემდეგ ათი საბანკო დღის განმავლობაში.

2.4. მიმწოდებლის მოთხოვნა ანაზღაურების შესახებ შემსყიდველისადმი შესრულებული უნდა იყოს წერილობითი ფორმით, მომსახურების შესრულების შესახებ შესაბამისი დოკუმენტების დართვით.

2.5. მიმწოდებელი ვალდებულია შემსყიდველთან ერთად დააფიქსიროს შესრულებული მომსახურების ღირებულება.

2.6. თუ შემსყიდველის მიერ ხელშეკრულებით განსაზღვრული შესასრულებელი მომსახურების მოცულობების ღირებულებამ არ შეადგინა აღნიშნული ხელშეკრულებით გათვალისწინებული თანხა, ასეთ შემთხვევაში შემსყიდველი გადაუხდის მიმწოდებელს ფაქტიურად შესრულებული მომსახურების მოცულობების ღირებულებას. აღნიშნულიდან გამომდინარე მიმწოდებელს პრეტენზია არ უნდა გააჩნდეს აუთვისებელ მომსახურების მოცულობების ანაზღაურებაზე.

3. ხელშეკრულების ინსპექტირების პირობები

3.1. ხელშეკრულების შესრულების კონტროლსა და მომსახურების პირობების შესრულებას განახორციელებს შუახევის მუნიციპალიტეტის გამგეობის ადმინისტრაციული სამსახურის უფროსი – მიხეილ დავითაძე.

3.2. შემსყიდველს ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე მათ შორის მომსახურების ხარისხის პერიოდული ინსპექტირება.

3.3. მიმწოდებელი ვალდებულია საკუთარი რესურსებით უზრუნველყოს შემსყიდველი ინსპექტირების ჩატარებისათვის აუცილებელი პერსონალით, ტექნიკური საშუალებებით და სხვა საშუაო პირობებით. იმ შემთხვევაში თუ შემსყიდველი ინსპექტირების მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

3.4. მიმწოდებელი ვალდებულია საკუთარი ხარჯებით უზრუნველყოს ინსპექტირების შედეგად გამოვლენილი ყველა დეფექტის ან ნაკლის აღმოფხვრა.

4. შესყიდვის ობიექტის მიღება ჩაბარების წესი

4.1. შემსყიდველმა უნდა შეამოწმოს შესრულებული მომსახურება ხელშეკრულების პირობებთან მიმართებაში.

4.2. თუ შესყიდვის ობიექტი არ შეესაბამება ხელშეკრულების პირობებს, შემსყიდველი მიმწოდებელთან ერთად ან მის გარეშე ადგენს აქტს დადგენილი წესის შესაბამისად.

4.3. გამოვლენილი დეფექტის ან ნაკლის აღმოფხვრასთან, ხელახლა ინსპექტირებასთან დაკავშირებულ ხარჯებს, ინსპექტირების შედეგად გამოვლენილი დეფექტის ან ნაკლის ღირებულების ანაზღაურება ეკისრება მიმწოდებელს.

4.4. შესყიდვის ობიექტის მიღება ფორმდება მიღება-ჩაბარების აქტით შემსყიდველისა და მიმწოდებლის უფლებამოსილი წარმომადგენლების ხელმოწერით. მომსახურება ჩაითვლება მიღებულად ანგარიშ-ფაქტურის წარმოდგენისა და მიღება-ჩაბარების აქტის გაფორმების შემდეგ.

4.5. მომსახურება ჩაითვლება მიღებულად მხოლოდ ფაქტიურად გაწეული მომსახურების შემდეგ.

5. მხარეთა უფლება მოვალეობანი

5.1. შემსყიდველი და მიმწოდებელი მოქმედებს „სახელმწიფო შესყიდვების შესახებ“ საქართველოს კანონის სრული დაცვით.

5.2. შემსყიდველი ვალდებულია:

ა) მიმწოდებელს წინასწარ გააცნოს ყველა იმ გარემოების შესახებ, რომელიც შეიძლება წარმოიშვას ხელშეკრულებით გათვალისწინებული მომსახურების შესრულებისას.

ბ) მომსახურების შესრულების დამოწმებიდან 10 (ათი) დღის განმავლობაში მოახდინოს მიმწოდებელთან ანგარიშსწორება.

გ) მიმწოდებელს აუნაზღაუროს ამ ხელშეკრულებით გათვალისწინებული პირობებით სახელმწიფო შესყიდვის მომსახურების სრული ღირებულება, მომსახურების დასრულებისთანავე.

5.3. შემსყიდველს უფლება აქვს:

ა) განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.

ბ) საქართველოს კანონმდებლობის შესაბამისად შეაჩეროს ან შეწყვიტოს სახელმწიფო შესყიდვის შესახებ დადებული ხელშეკრულების მოქმედება.

5.4. მიმწოდებელი ვალდებულია:

ა) დაიცვას ხელშეკრულებით გათვალისწინებული ყველა პირობა.

ბ) დააკმაყოფილოს შემსყიდველის მოთხოვნა დამატებითი მონაცემებისა და გარანტიების წარმოდგენის შესახებ კანონმდებლობით დადგენილი წესით.

5.5. მიმწოდებელს უფლება აქვს:

ა) მოსთხოვოს შემსყიდველს მიწოდებული მომსახურების, შუალედური და საბოლოო ანაზღაურება ხელშეკრულებით გათვალისწინებული პირობებით.

6. მხარეთა პასუხისმგებლობა ხელშეკრულების პირობების დარღვევისას

6.1. თუ მიმწოდებელი არ ასრულებს მომსახურების მიწოდებასთან დაკავშირებულ თავის ვალდებულებებს ხელშეკრულებაში მითითებულ ვადებში შემსყიდველი წერილობითი ფორმით აფრთხილებს მიმწოდებელს დაიცვას ხელშეკრულების პირობები.

6.2. შემსყიდველს უფლება აქვს მიმწოდებელს შეუწყვიტოს ხელშეკრულების შესრულება წერილობითი ფორმით შეტყობინების შემდეგ მიმწოდებლის მიერ მისი ვალდებულებების ან მისი ნაწილის შეუსრულებლობის შემთხვევაში თუ:

ა) მიმწოდებელმა არ შეასრულა მომსახურება ხელშეკრულებაში მითითებულ ვადებში.

ბ) თუ მიმწოდებელმა არ შეასრულა ხელშეკრულებით გათვალისწინებული სხვა თავისი ვალდებულებები.

6.3. თუ მიმწოდებელი არ ასრულებს ხელშეკრულებით გათვალისწინებულ პირობებს, მას დაეკისრება პირგასამტეხლოს გადახდა 0.02%-ის ოდენობით ყოველ ვადაგადაცილებულ დღეზე.

6.4. შემსყიდველის მიერ ხელშეკრულებით გათვალისწინებულ ვადაში მიმწოდებლისათვის შესრულებული მომსახურების ღირებულების გადახდის დაგვიანების შემთხვევაში, შემსყიდველი მიმწოდებელს პირგასამტეხლოს სახით უხდის მომსახურების ღირებულების 0.05%-ს ყოველი ვადაგადაცილებული დღისთვის.

6.5. იმ შემთხვევაში, თუ ვადების გადაცილებით გადახდილი (ან გადასახდელი) პირგასამტეხლოს მთლიანი თანხა გადააჭარბებს ხელშეკრულების ჯამური ღირებულების 2%-ს ხელშეკრულების მოქმედება, ვადამდე შეწყდება.

6.6. ჯარიმისა და პირგასამტეხლოს გადახდა არ ათავისუფლებს მხარეებს ხელშეკრულებით ნაკისრი ვალდებულებების შესრულებისაგან.

7. ხელშეკრულებაში ცვლილებების შეტანა ან შეწყვეტა

7.1. ხელშეკრულების დამდებ არცერთ მხარეს არა აქვს უფლება ცალმხრივად შეცვალოს ხელშეკრულების პირობები.

7.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

7.3. ნებისმიერი ცვლილება რომელსაც მოჰყვება ხელშეკრულების ფასის გაზრდა ან შემსყიდველის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა.

7.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

7.5. მხარეს შეუძლია უარი თქვას ვალდებულების შესრულებაზე, თუ მეორე მხარე ამკარად არღვევს წინამდებარე ხელშეკრულებით განსაზღვრულ მოთხოვნას.

7.6. თუ ხელშეკრულების დადების შემდეგ აღმოჩნდება, რომ არსებობს რეალური საშიშროება იმისა, რომ მიმწოდებელი არ შეასრულებს თავის ვალდებულებას ჯეროვნად და კეთილსინდისიერად, შემსყიდველი უფლებამოსილია ვადაზე ადრე მოითხოვოს წინამდებარე ხელშეკრულების შეწყვეტა.

7.7. წინამდებარე ხელშეკრულება შეიძლება შეწყდეს ვადაზე ადრე მხარეთა შეთანხმების საფუძველზე.

7.8. ხელშეკრულება შეიძლება შეწყდეს აგრეთვე საქართველოს სამოქალაქო კოდექსით გათვალისწინებული სხვა შემთხვევებში.

7.9. ერთ-ერთი მხარის ინიციატივით წინამდებარე ხელშეკრულების ვადაზე ადრე შეწყვეტის თაობაზე მეორე მხარეს უნდა ეცნობოს დაუყოვნებლივ.

8. მომსახურების გაწევისა და ხელშეკრულების მოქმედების ვადები

8.1. მომსახურების გაწევის ვადა განისაზღვროს 2017 წლის 01 თებერვლიდან 2017 წლის 31 დეკემბრის ჩათვლით

8.2. ხელშეკრულების მოქმედების ვადა განისაზღვროს 2018 წლის 31 იანვრის ჩათვლით

9. ფორს-მაჟორული სიტუაციები

9.1. მხარეები არ არიან პასუხისმგებელნი თავიანთ ვალდებულებათა სრულად ან ნაწილობრივ შესრულებაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და სამხარი მოქმედებები, ექსპორტისა და იმპორტის აკრძალვა, თუ ისინი უშუალო ზემოქმედებას ახდენენ ხელშეკრულების შესრულებაზე.

9.2. ხელშეკრულების შესრულების ვადა გადაიწევეს შესაბამისი დროით, ფორს-მაჟორული გარემოებათა დასრულების შემდეგ.

9.3. მხარეს, რომელსაც შეეკმნა ფორს-მაჟორული გარემოება, დაუყონებლივ უნდა აცნობოს წერილობით ამის შესახებ მეორე მხარეს. ამასთან მეორე მხარის მოთხოვნის შემთხვევაში, უნდა წარმოადგინოს დაუძლეველი ძალის მოვლენების არსებობის დამადასტურებელი დოკუმენტი, რომ ამ მოვლენამ ხელი შეუშალა მხარეს ხელშეკრულებით გათვალისწინებული ვალდებულების შესრულებაში.

10. დავები და მათი გადაწყვეტის წესი

10.1. ხელშეკრულების დამდეგი მხარეები თანხმდებიან მასზედ, რომ ყველა დონეს იხმარენ, რათა პირდაპირი არაოფიციალური მოლაპარაკებების მეშვეობით, შეთანხმებით მოაგვარონ ნებისმიერი უთანხმოება და დავა წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

10.2 თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შესძლებენ სადაო საკითხების შეთანხმებას, ნებისმიერ მხარეს შეუძლია დადგენილი წესით მიმართოს სასამართლოს, თუ ხელშეკრულების პირობებში სხვა რამ არ არის გათვალისწინებული.

11. გადასახადები და ბაჟები

მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე

12. შეტყობინება

12.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

12.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

13. სხვა პირობები

13.1. მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

13.2. ხელშეკრულება ძალაში შედის, მხარეთა მიერ მისი ხელმოწერის მომენტიდან.

13.3. ხელშეკრულება იდება ორი ერთნაირი იურიდიული ძალის მქონე ეგზემპლარად, თითო ეგზემპლარი ინახება ხელშეკრულების დამდეგ მხარეებთან.

14. მხარეთა რეკვიზიტები და ხელმოწერები

შემსყიდველი:

შუახევის მუნიციპალიტეტი

მის: შუახევის რაიონი / თამარ მეფის 30

ს/კ 247865145

ბანკი:სახელმწიფო ხაზინა

ბანკის კოდი: TRESGE22

ანგარიშსწორების ანგარიში:

საკონტაქტო ნომერი/მობ: 599852019

გამგებელი



მიმწოდებელი:

სს „სილქნეტი“

მის: წინამძღვრიშვილის #95

ს/კ 204566978

ბანკი „საქართველოს ბანკი“

ბანკის კოდი: BAGAGE22

ა/ა: GE41BG000000878415000

საკონტაქტო ნომერი: 2 100 200

კომერციული დირექტორი
ნუგზარ ჩინჩალაძე



სატენდერო განცხადების ნომერი	SPA	NAT170000383	თარიღი	20.01.2017 12:30
შემსყიდველი	შუახევის მუნიციპალიტეტი			
ლოტი	12` 100.00 GEL			

კავშირის საიმედოობა:

კავშირის საიმედოობა განპირობებულია იმ გარემოებით, რომ სს „სილქნეტის“ ქსელი აგებულია DWDM აპარატურის გამოყენებით ოპტიკურ-ბოჭკოვანი კაბელის საშუალებით, აპარატურულ-ტექნიკური მოწყობილობები, აგრეთვე მათი კავშირები ძირითად ქსელთან არის დუბლირებული, ბევრ შემთხვევაში ორმაგად დუბლირებული. შეერთებებს სს „სილქნეტი“ ახორციელებს ფრანქფურტის გავლით. რგოლური პრინციპით აგებულება და ოპტიკური კაბელის ერთი მიმართულებით დაზიანება გამორიცხავს კავშირის შეწყვეტას, რაც ზრდის ქსელის საიმედოობას და დაცულობას.

კომპანია ფლობს ორ ერიქსონის ფირმის საერთაშორისო სადგურს – soft-switch და axe-10 (TDM) სადგური, რომლიდანაც ხორციელდება საერთაშორისო კავშირები ქვემოთ ჩამოთვლილ მსოფლიოში უმსხვილეს საერთაშორისო ოპერატორებთან. კომპანია უზრუნველყოფს როგორც TDM, ისე VOIP მომსახურებას.

საერთაშორისო კავშირის დასამყარებლად კომპანიას ხელშეკრულება გაფორმებული აქვს შემდეგ ოპერატორებთან: TeliaSonera, Deutsche Telecom, iBasis, Turktelecom, Tata Communication, Lank Telecom, Armentel. მათგან ხორციელდება პირდაპირი ჩართვა თანამგზავრული, ოპტიკურ-ბოჭკოვანი არხების საშუალებით და რამდენიმე მიმართულებით 2 მგ/წმ სიჩქარის არხების საშუალებით, რაც იძლევა სმენადობის მაღალ ხარისხს და დაყოვნების მინიმალური დროით შემცირების საშუალებას.

- ☞ ყველაზე ფართო ქსელი – 62 ფილიალი ქვეყნის მასშტაბით;
- ☞ 500,000-ზე მეტი აბონენტი მთელს საქართველოში;
- ☞ 3,200 თანამშრომელი, რომელიც ყოველდღიურად ზრუნავს თქვენთვის.
- ☞ ტექნიკური მხარდაჭერა 24/7-ზე, შაბათ-კვირის ჩათვლით;



უპირატესობანი:

- ☞ საკუთარი ოპტიკურ-ბოჭკოვანი ქსელი მთელი საქართველოს მასშტაბით;
- ☞ მაღალი საიმედოობის კავშირის უზრუნველყოფა;
- ☞ ინფორმაციის გადაცემის მინიმალური დრო;
- ☞ დისტანციური სამუშაოების უსაფრთხო და ეფექტური განხორციელების საშუალება;
- ☞ ქსელის მარტივი მოწყობა და მართვა;
- ☞ ქსელის გაფართოების სწრაფი და შეუზღუდავი შესაძლებლობა;
- ☞ დაზიანების აღმოფხვრის მინიმალური დრო;
- ☞ შეერთების სიჩქარის ნებისმიერი მოცულობით მოწოდება;
- ☞ გლობალური ქსელში შეერთების სარეზერვო გადაზღვევა;
- ☞ სპეციალურად შექმნილი კორპორატიული დეპარტამენტი თქვენი სწავი და ეფექტური მომსახურებისთვის;
- ☞ ნებისმიერი საკითხის გადაწყვეტის უფრო სწრაფი და გამარტივებული გზა თქვენს კომპანიაზე მორგებული ანგარიშთა მმართველის მეშვეობით;
- ☞ თქვენს მოთხოვნილებებზე მორგებული პროდუქტები;
- ☞ უფასო კონსულტაცია ტექნიკურ დეპარტამენტთან ნებისმიერ სატელეკომუნიკაციო თემაზე;
- ☞ ანგარიშთა მმართველისგან მუდმივი ინფორმირება სს “სილქნეტში” არსებული თქვენთვის საინტერესო სიახლეების შესახებ;
- ☞ ურთიერთბა მხოლოდ ერთ კომპანიასთან ყველა სატელეკომუნიკაციო მომსახურებაზე;
- ☞ ოთხი დამოუკიდებელი შეერთება ინტერნეტ რესურსებთან. ორი შეერთება თურქეთის გავლით (ვალე და სარფი), ერთი შეერთება ფრანკფურტში (თურქეთის გავლით) და ერთი აზერბაიჯანის გავლით დსთ-ს რესურსებთან დასაკავშირებლად.



ინფორმაცია გასაწევი მომსახურების შესახებ

1. ტექნიკური დოკუმენტაცია

1.1. შესყიდვის ობიექტის მოცულობა:

ა) გასაწევი მომსახურების მოცულობა შეადგენს:

N	მომსახურების დასახელება	განზომილების ერთეული, რაოდენობა	
		მომსახურება ოპტიკურ ბოჭკოვანი კაბელით	
1	დაბა შუახევი, თამარ მეფის ქ. #30	ოვე	11
2	დაბა შუახევი, რუსთაველის ქ. N20	ოვე	11


1.2 ტექნიკური პირობები:

1.2.1 მომსახურება ოპტიკურ ბოჭკოვანი კაბელით (შუახევის მუნიციპალიტეტის გამგეობა მის: დაბა შუახევი, თამარ მეფის ქ. #30):

- გლობალური ინტერნეტის გარანტირებული სიჩქარე 40 (ორმოცი) მგბ/წმ;
- ლოკალური ინტერნეტის გარანტირებული სიჩქარე 100 (ასი) მგბ/წმ;
- სიმეტრიული არხი (Upload=Download);
- კონკურენტული წვდომა 1:1 (Contention Ratio 1:1);
- საიმედოობის დონე - უმაღლესი;
- შეერთების კოეფიციენტი 99.5%;
- მინიმუმ 3 რეალური IP;
- ტექნიკური მხარდაჭერა კვირაში 7 დღე 24 საათი;
- ინტერნეტით მომსახურება 24 საათიან გრაფიკში, არასამუშაო და სადღესასწაულო დღეების ჩათვლით;
- ყოველთვიური არასამუშაო დრო (Downtime) არაუმეტეს 3 საათისა.

1.2.2 მომსახურება ოპტიკურ ბოჭკოვანი კაბელით (შუახევის მუნიციპალიტეტის გამგეობა მის: დაბა შუახევი, დაბა შუახევი, რუსთაველის ქ. N20):

- გლობალური ინტერნეტის გარანტირებული სიჩქარე 1 (ერთი) მგბ/წმ;
- ლოკალური ინტერნეტის გარანტირებული სიჩქარე 10 (ათი) მგბ/წმ;
- ტექნიკური მხარდაჭერა კვირაში 7 დღე 24 საათი;



- ინტერნეტით მომსახურება 24 საათიან გრაფიკში, არასამუშაო და სადღესასწაულო დღეების ჩათვლით;

1.2.2. ინტერნეტის მოწოდებისათვის საჭირო ტექნიკურ მოწყობილობებსა და მასალებს უზრუნველყოფს მომწოდებელი.



გასაწევი მომსახურების ხარჯთაღრიცხვა:

N	მომსახურების დასახელება	განზომილების ერთეული	რაოდენობა	ერთეულის ფასი(ლარი)	საერთო ფასი (ლარი)
1	დაბა შუახევი, თამარ მეფის ქ. #30	თვე	11	1000	11000
2	დაბა შუახევი, რუსთაველის ქ. N20	თვე	11	60	660
სულ ჯამი					11660

მომსახურების ჯამური ღირებულება 2017 წლის 1 თებერვლიდან 2017 წლის 31 დეკემბრის ჩათვლით შეადგენს 11660 –(თერთმეტი ათას ექვსას სამოცი) ლარი დღგ-ს ჩათვლით.



საქართველო, 0112 თბილისი, წინამძღვრიშვილის ქ. 95

ტელ: (+995 32) 2 10 00 00

ფაქსი: (+995 32) 2 10 00 01

www.silknet.com

ინფორმაცია ანგარიშსწორების პირობების შესახებ:

- ☞ ანგარიშსწორების ფორმა – უნაღდო ანგარიშსწორება ეროვნულ ვალუტაში;
- ☞ გაწეულ მომსახურებაზე ანაზღაურება იწარმოება ყოველი საანგარიშო თვის მომდევნო თვის 25 რიცხვამდე, „მიმწოდებლის“ მიერ წარმოდგენილი ანგარიშ-ფაქტურის და მიღება-ჩაბარების აქტის საფუძველზე. ანგარიშ-ფაქტურა წარმოდგენილი იქნება ყოველი თვის 15 რიცხვამდე;
- ☞ აბონენტი კომპანიასთან ანგარიშსწორებას აწარმოებს საბანკო ქსელის ან/და შეთანხმებით დადგენილი ფორმითა და წესით.



ინფორმაცია სს „სილქნეტის“ გამოცდილების შესახებ:

სს „სილქნეტი“ ახორციელებს ანალოგურ მომსახურებას ისეთი მსხვილი ორგანიზაციებისათვის, როგორებიცაა:

სახელმწიფო ორგანიზაციები:

საქართველოს პარლამენტი
უზენაესი სასამართლო;
პრეზიდენტის ადმინისტრაცია;
სახელმწიფო დაცვის სპეციალური სამსახური;
საჯარო რეესტრის ეროვნული სააგენტო;
კონსტიტუციური უსაფრთხოების დეპარტამენტი;
კონტროლის პალატა;
თბილისის მერია;
თავდაცვის სამინისტრო;
ფინანსთა სამინისტრო;
შინაგან საქმეთა სამინისტრო;
იუსტიციის სამინისტრო;
საგარეო საქმეთა სამინისტრო;
ეკონომიკის და მდგრადი განვითარების სამინისტრო;
საქართველოს კომუნიკაციების ეროვნული კომისია;
ჯანდაცვის სამინისტრო;
კულტურის სამინისტრო;
და სხვა.

ბანკები:

სს „საქართველოს ბანკი“;
სს „თიბისი ბანკი“;
სს „ბანკი რესპუბლიკა“;
სს „ეიჩ ეს ბი სი ბანკი საქართველო“;
სს „ზაზის ბანკი“;
სს „კორსტანდარტბანკი“;
სს „ბითიუი ბანკი“;
სს „ვითიბი ბანკი ჯორჯია“;
სს „ტაო პრივატ ბანკი“;
სს „ლიბერთი ბანკი“;
სს „პროგრედიტ ბანკი“;
და სხვა.



რეკვიზიტები:

პრეტენდენტის იურიდიული ფორმა და დასახელება: ს.ს. „სილქნეტი“
ხელმძღვანელის სახელი და გვარი: გენერალური დირექტორი დავით მამულაიშვილი
ხელმოწერაზე უფლებამოსილი პირი: კომერციული დირექტორი ნუგზარ ჩინჩალაძე
იურიდიული (და ფაქტიური) მისამართი: ქ. თბილისი, წინამძღვრიშვილის ქ. N: 95
საიდენტიფიკაციო კოდი: 204566978
პრეტენდენტის ტელეფონის ნომერი: (+995 32) 100000/1710
ელექტრონული მისამართი: mbrelidze@silknet.com
ბანკის დასახელება: სს „საქართველოს ბანკი“
ბანკისკოდი: BAGAGE22
ანგარიშსწორების ანგარიში: GE41BG0000000878415000

პრეტენდენტის სატენდერო წინადადება ძალაშია სახელმწიფო შესყიდვების, ერთიან ელექტრონულ სისტემაში წინადადებების მიღების დაწყების თარიღიდან „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ე“, „რ“ ან „ტ“ ქვეპუნქტებით გათვალისწინებული ეტაპის დადგომამდე.

ტენდერში გამარჯვების შემთხვევაში მომსახურება გაწეული იქნება წინამდებარე დოკუმენტაციაში მოცემული ტექნიკური დავალების შესაბამისად.

